

**Հ.Հ. ԱՐՄԱՎԻՐԻ ՄԱՐԶԻ ՄՐԳԱՍՏԱՆԻ ԳՅՈՒՂԱԿԱՆ ՀԱՄԱՅՆՔԻ
ՂԵԿԱՎԱՐԻ 2011Թ-Ի ԱՌԱՋԻՆ ԿԻՍԱՄՅԱԿԻ ԳՈՐԾՈՒՆԵՌՈՒԹՅԱՆ
ՀԱՇՎԵՏՎՈՒԹՅՈՒՆ**

Հարգելի պարոն՝ Ղուկասյան

Հարգելի ավագանու անդամներ և հյուրեր, Ձեզ եմ ներկայացնում Արմավիրի մարզի Մրգաստանի գյուղական համայնքում 2011թ.-ի առաջին կիսամյակում իմ կողմից ղեկավարած աշխատակազմի և ավագանու իրականացրած աշխատանքների հաշվետվությունը:

Իմ կողմից ապահովվել է գյուղապետարանի աշխատակազմի անխափան աշխատանքը: Այդ թվում՝ համայնքի ավագանու նիստերի նախապատրաստումը, արձանագրումը և նիստի ներկա ավագանու անդամների կողմից արձանագրության վավերացումը: Կիսամյակի ընթացքում իմ կողմից հրավիրվել է 5 ավագանու նիստ, որից 2-ը արտահերթ 3-ը հերթական: Նիստերի ընթացքում ապահովվել է համայնքի ավագանիների ներկայությունը /ուղարկվել են ծանուցագրեր և ավագանու օրակարգ /Պահպանելով Հ.Հ. «ՏԻՄ» օրենքի 30-րդ հոդվածի 8-րդ կետի պահանջները, ապահովվել է ավագանու որոշումների, համայնքի ղեկավարի որոշումների և կարգադրությունների առաքումը մարզպետարան:

Մարզպետարանից և այլ կազմակերպություններից ստացված գրությունների տրվել է սպառիչ պատասխաններ: Ժամանակին ներկայացվել է ամենամսյա, եռամսյակային և կիսամյակային հաշվետվություններ մարզպետարան, վիճ. վարչություն, հարկային տեսչություն, սոցապ ծառայություն:

2011թ. համայնքի բնակիչներին իրենց պահանջով տրամադրվել է 292 տարբեր բնության տեղեկանքներ: Կիսամյակի ընթացքում ստացված բազմաբովանդակ դիմումները քննարկվել և ուժում են ստացել օրենքով սահմանված կարգով և համապատասխան ժամկետներում: Օգնության դիմած քաղաքացիների դիմումները բացառապես բավարարվել են: Մահացածների ընտանիքներին տրվել է յուրաքանչյուր ընտանիքին 60,0 /վաթսուն հազար/ դրամի չափով օգնություն: Որպես համայնքի ղեկավար, ղեկավարվելով «ՏԻՄ» Հ.Հ. օրենքի պահանջներով իմ կողմից իրականացվել է օրենքով սահմանված մի շարք պարտադիր լիազորություններ: Հաշվետու ժամանակաշրջանում վերահսկողություն է իրականացվել հարկերի և տուրքերի հավաքագրման աշխատանքների նկատմամբ:

Հողի հարկը կիսամյակի կտրվածքով 2.250.0 հզ. դիմաց հավաքագրվել է՝ 1.480.4 հզ. դրամ՝ 65.8%:

Գույքահարկ շենք շինությունների համար՝ 62.5 հզ. դիմաց կատարվել է հավաքագրում 12.4 հզ. դրամ 19.8%:

Տեղական տուրքերի դիմաց 34.8 հզ. դրամի դիմաց հավաքագրվել է 9.0 հզ. դրամ, 25.9%:

Գույքահարկ փոխադրամիջոցների համար՝ 300.0 հզ. դիմաց հավաքագրվել է 240.1 հզ. դրամ, 80 %:

Վարձակալական հողի հարկ 150.0 հզ. դրամի դիմաց մուծվել է 3.4 հզ. դրամ, 2.3%: 1.Քաղաքացիների տնտեսվարող սուբյեկտների իրավունքների պաշտպանության բնագավառում իրականացվել է համայնքի ղեկավարի պարտադիր լիազորություններ: ա) Կազմավորված խնամակալների և հոգաբարձության խորհուրդը կատարել է մեկ այց համայնքում բնակվող Հաջոյանների ընտանիքին, որտեղ մեծանուն են երկու անչափահաս աղջիկներ, համձնաժողովի եզրակացության և համայնքի ղեկավարի որոշման հիման վրա ընտանիքի անչափահաս երեխաները հանձնվել են տատիկի ժամանակավոր խնամքին: Հաշվի առնելով այն փաստը, որ երեխաների ծնողները գտնվում են արտերկրում:

2. Ֆինասների բնագավառում ավագանու հաստատմանն է ներկայացվել բյուջեի երկու փոփոխություն, որը փորձաքննության է ուղարկվել Արդարադատության նախարարություն և մարզպետարան օրենքով սահմանված կարգով:

2.1 Առաջի կիսամյակի ընթացքում ընդունելության եկած 12 բնակիչների տրվել է սոց օգնություն 740.0 /յոթ հարյուր քառասուն հազար/ դրամ:

3. Հասարակական կարգի պահպանության բնագավառում մեր կողմից քննարկվել են ոստիկանության կատարած տեղեկատվության հիման վրա՝ վարչական իրավախախտումները, տրվել է չորս նախազգուշացում:

4. Պաշտպանության բնագավառում աջակցել ենք զարմանային զորակոչին, ուսումնավարժական հավաքներին և զորահավաքներին:

Ձին կոմիսարիատից եկած գրություններին տրվել է սպառնալից պատասխան, ներկայացվել են համապատասխան տեղեկանքներ, համայնքի զորակոչային տարիքի բնակիչների վերաբերյալ:

5. Քաղաքաշինության և կոմունալ տնտեսության բնագավառում՝ կատարվել են հետևյալ աշխատանքները:

Համայնքում աղբահանությունը անցել է բնականոն վիճակի, շաբաթական մեկ անգամ:

Գյուղապետարանի կողմից տնային տնտեսությունների հասցեների ճշգրտման գործընթացը լրիվ ավարտված է:

Համայնքում գործում է գերեզմանատուն:

Սահմանված կարգով բնակչությանը իրազեկվել է ծրագրվող քաղաքաշինական փոփոխությունների, կառուցապատման հետ կապված օրենսդրական փոփոխությունների հետ:

Կազմակերպվել է բարեկարգման և կանաչապատման աշխատանքներ՝ մասնավորապես ծառատունկ:

Կազմակերպվել է հանգստի միակ գոտի հանդիսացող հուշարձանի տարածքի խնամքը և պահպանությունը:

6. Հողօգտագործման բնագավառում՝

Իրականացվել է վերահսկողություն համայնքի վարչական սահմաններում գտնվող հողերի նպատակային օգտագործման և հողօգտագործողների կողմից հողային օրենսդրության պահանջների պահպանման նկատմամբ:

1/Սահմանված կարգով իրականացվել է համայնքի վարչական սահմաններում գտնվող հողամասերի ընթացիկ հաշվառումը, կազմվել և համապատասխան մարմինների հետ համաձայնեցվել է հողային հաշվեկշիռը, որը ժամանակին ներկայացվել է մարզպետարան:

2/Կատարվել է նաև հողաչափական աշխատանքներ, բնակիչների դիմումների հիման վրա:

7. Կրթության և մշակույթի բնագավառում իմ կողմից մշտական ուշադրության է արժանանում գյուղի միջնակարգ դպրոցը: Գյուղի դպրոցում իրականացվող միջոցառումները արժանանում է գյուղապետարանի աջակցությանը: Գյուղապետարանի ներկայացուցիչը, որը ընդգրկվել միջնակարգ դպրոց ՊՈԱԿ կոլեգյալ մարմնի խորհրդի կազմում /Ա. Խաչատրյան/ պահպանում է կապը դպրոց գյուղապետարան օղակում: Համայնքում Հայրենական պատերազմի Հաղթանակի 66-րդ տարեդարձի և Հանրապետության տոնին նվիրված միջոցառման ընթացքում համայնքի հյուրն էր մեր համագյուղացի /Մոսկվայաբնակ/ Ռ. Գ. Կարապետյանը: Միջոցառումն անցավ շատ հետաքրքիր և բովանդակալից:

8. Համայնքում ֆիզիկական կուլտուրայի և սպորտի, առողջապահության բնագավառում՝

1/աջակցել ենք համայնքի սանիտարական վիճակի բարելավմանը, մասնավորապես միջհամայնքային ճանապարհներին հարող տարածքներում կատարվել է չորացած խոտերի մաքրում:

2/Ֆիզիկական կուլտուրայի և սպորտի զարգացմանը նվիրված միջոցառումների շրջանակներում իրականացնելով համայնքի ղեկավարի կամավոր լիազորությունները՝ համայնքում կազմակերպել ենք ֆուտբոլի երկու խմբակ, շախմատի մեկ խմբակ: Այդ նպատակով ունենք սպորտային կազմակերպիչ:

9. Գյուղատնտեսության բնագավառում աջակցել ենք գյուղատնտեսական աշխատանքների իրականացմանը:

Մեր կողմից աջակցվել է Արմավիրի մարզի կարկտահարված համայնքներին, որպես օգնություն կատարվել է փոխանցում 50,0 հզ. դրամի չափով: Բնակչությանը բաժանվել է «ԱԶՕՑԵՕՎԻՏ» բիո-պարարտանյութ:

Սկսվել են գյուղատնտեսական աշխատանքները գյուղում, մասնավորապես՝ ցորենի, կարտոֆիլի, կաղամբի, լոլիկի, վարունգի, պղպեղի բերքահավաքը: Այս տարվա բերքը բավականին առատ է: Իմ միջամտությամբ գյուղ է բերվել մեկ կոմբայն, որը օգնում է գյուղացիներին հավաքել ցորենի և գարու բերքը:

Համայնքում այս կիսամյակում իրականացվել է մի շարք ներդրումային ծրագրեր, համայնքի բյուջեի միջոցների հաշվին:

1/Մասնակի վերանորոգման է ենթարկվել մշակույթի տան երկու սենյակները և կահավորվել է: Կատարված ներդրումային ծրագրերի գինը կազմում է 330,0 հզ. դրամ:

Այս ամենի կողքին համայնքում առկա են թերություններ.

Բազմիցս դիմել ենք էլեկտրոցանցեր ՓԲԸ տնօրեն՝ պարոն Ղազինյանին, մետաղյա էլեկտրասյունները փոխելու հարցով: Քանի որ գյուղացիներից ունենք դիմում-բողոքներ, որ խոնավ եղանակին էլ. սյուները հոսանքահարում են:

Ես, որպես համայնքի ղեկավար մտահոգ եմ այս խնդրի շուրջ և ցանկանում եմ ամեն ձևով հարցին լուծում տալ, որը առայժմ չի ստացվում: Համայնքի ցավոտ խնդիրներից ուզում եմ նշել այն փաստը, որ համայնքում չկա խաղահրապարակ: Մշակույթի տունը, որը կարող է ծառայել միջոցառումներ, ժողովներ կազմակերպելու համար՝ գտնվում է վթարված վիճակում, որը կապիտալ վերանորոգման կարիք ունի: Համայնքի ճանապարհները բարոյապես իրենց մաշել են, էլ չեն խոսում համայնք մտնող ճանապարհի մասին, որը նույնպես վերանորոգման կարիք ունի: Քանի որ, այն խոչընդոտում է գյուղ մտնող մեքենաների անվտանգությունը: Ասելիքս ավարտեմ նրանով, որ այս հարցում համայնքի բնակչությանը աջակցելու համար՝ որոշել ենք ներհամայնքային ճանապարհները մասնակի վերանորոգել այն հույսով, որ կապահովենք բնակչության տեղաշարժը:

Կան աշխատանքներ, որոնք իմ նաղնտրական ծրագրով նախատեսված է և դեռ պետք է լուծում ստանան մինչև տարեվերջ:

ՄՐԳԱՍՏԱՆ ՀԱՄԱՅՆՔԻ ՂԵԿԱՎԱՐ՝



Ո. ԽԱՉԱՏՐՅԱՆ

14.07.2011թ.
գ. Մրգաստան
Ժամը. 15.00